

四庫禁燬書叢刊編纂委員會

北京出版社

四庫禁燬書叢刊

四庫禁燬書叢刊編纂委員會

北京出版社

四庫禁燬書叢刊

史部第八冊目次

國初羣雄事略十二卷

〔清〕錢謙益撰
民國烏程張氏刻適園叢書本

雲間志畧二十四卷

〔明〕何三畏撰
明天啓刻本

國初羣雄事略十二卷

〔清〕錢謙益撰

民國烏程張氏刻適園叢書本
北京大學圖書館藏

國

雅

十

少

事

二

羣

時

齊

國初羣雄事略序

序錄開國羣雄首滁陽毫都者何也志創業也數月而館甥
期年而別將脫真龍於魚腹之中而借以風雷傳之羽翼滁
陽之於聖祖其亦天造草昧有開必先者乎元失其鹿斬
木揭竿魚書狐呼之徒汝穎先鳴淮徐響應濠城遙借聲勢
因緣起事而滁陽位又在四雄之下彭趙徐城之連寇也儼
然踞坐堂皇指撝奔走所謂微乎微者也滁陽既歿孤軍無
倚假濠城之虛名噓崖山之餘燼用以部署東南號令天下
定臺城開吳國建帝王萬世之業日月出而燭火熄於是龍
鳳之君臣事業風銷煙滅否然蕩爲窮塵而淪爲灰劫矣嗟
夫安豐之振甲寧逆耳于青田瓜步之膠舟終歸獄于德慶

國初羣雄事略序

國初羣雄事略序

漢祖天授不諱受命于牧羊光武中興聊復稱帝於銅馬用
是繫以年月疏其終始倣司馬遷楚漢月表之意俾後世有
觀焉昔張衡上書謂更始居位光武初爲其部將然後即真
宜以更始之號建于光武之初然則龍鳳之號或亦高皇
帝之所不廢也次僞天完次僞漢次僞夏志割據也次東吳
次慶元志盜竊也天命不僭夷狄有君故以擴闊陳友定終
焉於乎有元非暴虐之世庚申非亡國之君也惟其聰明自
用優柔不斷權分椒塗政出姦佞寵賂於焉滋章紀綱爲之
委替沙河之潰師費以億萬而敗將歸踞于臺端高郵之圍
寇功在漏刻而大軍立卸于城下省院之駁議未決而航海
之寶賄直達于宮中江淮之壁壘方新而曠林之干戈相尋

於閩外馴至撫軍之院朝設而夕罷講解之書此奉而彼格
南討之詔旨甫出河北而北征之師旅已擣燕南然後仰觀
乾象而喟然知事之不可爲也寧有及乎詩不云乎殷鑒不
遠在夏后之世後之人主讀儀鑒之詩而以庚申爲前車雖
與天無極可也

舊史官錢謙益序

國初羣雄事略序

國初羣雄事略序

國初羣雄事略卷一

虞山錢謙益牧齋甫編

宋小明王

姓韓氏至正十五年二月卽位於毫建國號曰宋改元龍鳳又號小明王在位凡十有二年丙午冬十二月殁於瓜步

至正十一年卯辛五月辛亥潁州妖人劉福通作亂以紅巾爲號陷潁州

初潁城人韓山童祖父以白蓮會燒香惑眾謫徙廣平永年縣至山童倡言天下大亂彌勒佛下生河南及

江淮愚民皆翕然信之福通與杜遵道羅文素盛文郁王顯忠韓咬兒等復鼓妖言謂山童實宋徽宗八世孫當爲中國

主福通等殺白馬黑牛誓告天地欲同起兵爲亂事覺縣官

捕之急福通遂反山童就擒其妻楊氏其子韓林兒逃之武

安元史順帝本紀

先是至正庚寅間參議賈魯以當承平之世欲立事功首

勸脫脫丞相開河北水田造至正交鈔皆不克行及河決

南行又勸脫相求禹故道開使北流身專其任潁河起集

丁夫二十六萬餘人朝廷所降食錢官吏多不盡支河夫

多怨韓山童等因挾詐鑿石人止一眼鐫其背曰莫道石

人一隻眼此物一出天下反預當開河道埋之掘者得之

遂驚亂是時天下承平已久法度寬縱貧富不均多樂從

亂不旬月聚殆數萬人葉子奇草木子

先是庚寅歲河南北童謠云石人一隻眼挑動黃河天下

反及魯治河果於黃陵岡得石人一眼而汝潁妖寇遂乘

時而起胡粹中元史續編

至正十一年濮州遂安童謠云挖了石佛眼當時木子反

是年芝麻李稱王

五月潁川紅軍起號爲香軍蓋以燒香禮彌勒得名也其

始出趙州潞城韓學究家已而河淮襄陝之民翕然從之

故荆漢許汝山東豐沛以及兩淮紅軍皆起應之起潁上

者推杜遵道爲首陷朱皋據倉粟從者數十萬陷汝寧光

息信陽起斯黃者宗彭瑩王和尚推徐真逸爲首陷德安

沔陽安陽武昌江陵江西諸郡起湘漢者推布三王孟海

馬爲首布三王號北鎮紅軍奄有唐鄧南陽嵩汝河南府

孟海馬號南鎮紅軍奄有均房襄陽荆門歸峽起豐沛者

推芝麻李爲首庚申外史

韓山童詐稱徽宗九世孫僞詔略曰蘊玉璽於海東取精

兵于日本貧極江南富誇塞北蓋以宋廣王走崖山丞相

陳宜中走倭託此說以動搖天下當時貧者從亂如歸朝

廷發兵誅之雖卽擒獲而亂階成矣草木子

十二年五月監察御史徹徹帖木兒等言河南羣盜輒引

亡宋故號以爲口實宜以瀛國公子和尚趙完普及親屬

徙沙州安置禁勿與人交通從之元史

壬申命同知樞密院事禿赤以兵討劉福通授以分樞密院

印元史

朝廷聞紅巾起命樞密院同知赫廝禿赤領阿速軍六千并各支漢軍討頴上紅軍阿速者綠睛回回也素號精悍善騎射與河南行省徐左丞俱進軍二將沈湏酒色軍士但以剽掠爲務赫廝軍馬望見紅軍陳大揚鞭曰阿卜阿卜者言走也於是所部皆走至今淮人傳以爲笑其後赫廝死於上蔡徐左丞爲朝廷所誅阿速軍不習水土病死者過半

庚申外史

是月劉福通據朱皋攻破羅山上蔡眞陽礮山遂犯舞陽葉縣等處

元史

六月汴梁路同知黃頭守項城縣被執不屈死時尙乘卿

國初聖祖略略卷一

二二 通鑑叢書

邢海成項城謂子伯忽都姪阿刺不花等曰彼虜新執黃頭勢驍突甚與其坐斃孰若進討苟天未厭亂吾一門不忝十尙書矣伯阿等曰大人誓許國兒輩何愛死遂力戰多所殺獲卒以援絕咸死之七月安東萬戶朵哥十戶高安童並中流矢死王達至正十一年大小死節臣詩後序西臺御史張桓謝職居礮山縣賊久知桓名襲獲之羅拜請爲帥弗聽囚六日仰天誓叱屢唾賊面賊知終不可屈遂刺之

元史

王達序云妻孥九人并遇害

八月丙戌蕭縣李二及老彭趙君用反攻陷徐州李二號芝麻李亦以燒香聚眾而反

元史

太祖實錄作趙均用

芝麻李邳州人也值歲饑其家惟芝麻一倉盡以濟人故

得此名賈魯挑黃河所在廢業芝麻李與鄰人趙君用謀起事曰朝廷多事百姓貧苦無告吾聞頴上香軍起官軍無如之何此男子取富貴之秋也君用者趙社長也君用曰我所知某人某人可用燕城南彭二勇悍有膽略我當爲汝致之入門見其方礪斧斤問之曰汝將何爲彭二應曰官府不足靠日夜伺州縣賑濟饑無所得將伐薪入城換米喫耳君用呵之曰好男子何處不得一頓飽飯喫耶汝能從我豈但衣食而已富貴從汝彭二卽解其意應曰其中有芝麻李乎君用曰然遂引見芝麻李因得八人歃血同盟八月十日僞爲挑河夫夜投徐城留城中門卒拒

國初聖祖略略卷一

19

通鑑叢書

之曰我挑河夫也借一宿何傷其半因突入其半在外夜四更城內熱四火城外亦熱四火應之既而復合爲一城內外吶喊相應城內四人奪軍仗斬關城外四人突入同聲叫殺民皆束手從命天明樹大旗募人爲軍從之者有十餘萬浮橋四出掠地奄有徐州近縣及宿州五河虹縣豐沛靈璧西并安豐濠泗事聞朝廷省吏抱牘題曰謀反事脫脫觀其牘改題曰河南漢人謀反事識者知元不復能有天下矣河南漢人可盡誅乎其後張士誠起淮海趙明遠起徐州毛貴起山東明元帥起四川獨本朝龍興江南卽以建康爲天下根本先是童謠曰富漢莫起樓貧漢莫起屋但看羊兒年便是吳家國迨本朝定都建康

築郊壇於南門郊天受命改至正二十七年爲吳元年實
丁未也豈不驗哉庚申外史

斬州羅田縣徐貞一名壽輝與麻城人鄒普勝等以妖術陰

謀聚眾遂舉兵爲亂亦以紅巾爲號元史

九月劉福通陷汝寧府及息州光州眾至十萬元史

九月汝寧知府完哲府判福祿護國連抗十日城垂陷仰

天呼曰臣等義不辱竟投水中王逢詩序

壬子命御史大夫也先帖木兒知樞密院事及衛王寬徹哥

總率大軍出征河南妖寇元史

汝頴之閒妖寇聚眾反以紅巾爲號襄樊唐鄧皆起而應

之脫脫乃奏以弟也先帖木兒爲知樞密院事將諸衛軍

十餘萬討之元史脫脫傳

十月命知樞密院事老章以兵同也先帖木兒討河南元史

十二月辛丑也先帖木兒復上蔡縣擒韓咬兒等至京師誅

之元史

十二月宣徽院使帖木兒河南萬戶察罕相繼死南陽

臥龍岡下王逢詩序

十二月布三王陷鄧州襄陽庚申外史

至正十二年壬辰正月命遼魯曾爲淮東添設元帥統領兩淮

所募鹽丁五千討徐州元史

淮東元帥遼善之上言官軍不習水土宜募場下鹽丁可

以攻城又有淮東豪民王宣亦上言鹽丁本野夫不如募

城野趨勇憤捷者可以攻城前後各得三萬人皆黃衣黃
帽號曰黃軍脫脫用以攻徐州一鼓克之庚申外史

正月孟海馬陷襄陽徐眞逸陷湖廣庚申外史

是年正月定遠縣富民郭姓者燒香聚眾稱亳州制節元

帥十一月起定遠縣二月二十六日克濠州三月初二克

曹州俞本皇明紀事錄

二月乙亥朔定遠人郭子興孫德崖及俞某魯某潘某等起

兵自稱元帥攻拔濠州據其城守之太祖高皇帝實錄

三月壬子河南左丞相秦不花克復南陽等處元史

秦不花引剌吉氏老章出師久無效詔秦不花將兵往代

之未期月平南陽汝寧唐隨又下安陸德安等路軍聲大

振元史秦不花傳

脫脫調阿剌吉太尉攻汝寧汝寧紅軍懼退保亳州阿剌

吉攻平汝寧城庚申外史

辛酉命親王阿兒麻以兵討商州等處賊以鞏卜班知行樞

密院事元史

赫廝既死朝廷別命鞏卜班平章爲將領侍衛漢軍合愛

馬韃靼軍合數萬眾屯汝寧沙河岸日夜沈溺酒色醉臥

不醒敵人偷營遽失大將所在次日闕死人得其屍死人

中軍遂退數百里屯項城縣庚申外史

閏三月甲戌朔

大明太祖高皇帝起義入於濠州太祖實錄

也先帖木兒駐軍沙河軍中夜驚軍潰退屯朱偃鎮元史

也先帖木兒盡棄軍資器械北奔汴梁收殘卒屯朱偃鎮朝廷以爲不習兵命別將代之也先帖木兒徑歸昏夜入城仍爲御史大夫元史脫脫傳

也先帖木兒總精兵二十餘萬金銀物帛車數千輛河南北供億計億萬駐軍沙河未及兩月軍中夜驚也先盡棄軍資器械運糧車輛山積僅收散卒滿萬人直抵汴城下時文濟王在城頭遙謂之曰汝爲大將見敵不殺何故自潰吾將効汝此城必不容汝也遂離城四十里朱偃鎮屯焉朝廷乃命蠻子平章代之庚申外史

詔四川行省平章政事咬住以兵東討荆襄賊克復忠萬夔

國初疆域事略卷一

七

通鑑書

雲陽等州四月復歸州進攻夔州誅賊李太素等遂平之元史

五月答失八都魯到荆門募兵趨襄陽與賊戰大破之元史

十一年特除四川行省參知政事從平章咬住討賊於荆

襄咬住兵既平江陵請自攻襄陽進次荆門賊十萬官軍

三千餘遂用宋廷傑計招募襄陽官吏及土豪避兵者得

義丁二萬編排部伍敗賊於蠻河進至襄陽城南大戰生

擒僞將三十人腰斬之賊閉門不復出乃相視形勢內列

八翼包絡襄城外遣八營軍峴山楚山以截其援自以中

軍四千據虎頭山以瞰城中城中之人縋城爲內應五月

朔日破之僞將王權領千騎西走遇伏兵被擒襄陽遂平

元史答失八都魯傳

九月太傅中書右丞相脫脫總兵復徐州屠其城芝麻李遁走元史

紅巾芝麻李據徐州脫脫請自行討之九月師次徐州攻其西門賊出戰以鐵翎箭射其馬首脫脫不爲動麾軍擊賊之城堅不可猝拔用也速計以巨石爲礮晝夜攻之賊困莫能支也速攻入其外郭明日城破芝麻李遁去獲其黃纛旗鼓燒其積聚追擒僞千戶數十人遂屠其城詔卽軍中加脫脫太師趣還朝元史脫脫也速傳

芝麻李據徐州元命脫脫總番漢兵數十萬平之改爲武安州皇明紀事錄

脫脫平徐州以得芝麻李奏功月餘始獲芝麻李械送京

國初疆域事略卷一

八

通鑑書

師脫脫密令人就雄州殺之庚申外史

趙君用彭祖住率餘黨奔濠州脫脫命賈魯追擊之龍飛紀略

彭祖住實錄作早住彭大之子也奔濠州者當爲彭大其

辨詳見滁陽事略中

是歲察罕帖木兒與李思齊同起義兵元史

察罕帖木兒系出北庭家河南爲潁州沈丘人幼篤學嘗

應進士舉身長七尺修眉覆目左頰有三毫或怒則毫皆

直指居常慨然有當世之志至正十一年盜發汝潁不數

月江淮諸郡皆陷朝廷徵兵致討卒無成功十二年察罕

帖木兒乃奮義起兵沈丘之子弟從者數百人與信陽之

羅山人李思齊合兵同設奇計襲破羅山事聞朝廷授察

罕帖木兒中順大夫汝寧府達魯花赤李思齊知汝寧府
於是所在義士俱將兵來會得萬人自成一軍屯沈丘數
與賊戰輒克捷元史察罕傳

潁州沈丘探馬赤軍察罕帖木兒與羅山縣典史李思齊
集眾號義兵克復羅山朝廷授察罕羅山縣達魯花赤李

思齊縣尹上曰人言國家輕漢人如此果輕漢人也下吏
部再議於是察罕授汝寧府達魯花赤思齊知府庚申外史

至正十三年癸巳五月壬午元將賈魯卒於濠州軍中元兵解
圖去元史賈魯傳

十二月陝西平章政事孛羅四川行省右丞答失八都魯復
均房等州詔孛羅等守之

九月率兵略均房平穀城攻武當山寨數十獲偽將杜將

軍十二月趨攻峽州破偽將趙明遠木驢寨十四年正月
復峽州元史答失八都魯傳

至正十四年甲午三月丙子潁州陷

五月甲子安豐正陽賊圍廬州

十月戊戌詔答失八都魯及秦不花等會軍討安豐元史

十一月答失八都魯復苗軍所據鄭均許三州

十二月復河陰鞏縣元史

龍鳳元年至正十五年乙未閏正月我

太祖取和陽遂守之龍飛紀略

二月己未劉福通等自礪山夾河迎韓林兒至立爲皇帝又

號小明王建都亳州國號宋改元龍鳳以其母楊氏爲皇太
后杜遵道盛文郁爲丞相羅文素劉福通爲平章劉六知樞
密院事拆鹿邑縣太清宮材建宮闕遵道等各遣子入侍遵
道得寵專權劉福通疾之命甲士搃殺遵道福通遂爲丞相
後爲太保元順帝本紀

至正十五年乃小明王龍鳳元年稱帝於亳後遷都安豐
號宋徽宗九世嫡孫臣民稱爲主公實韓哥哥之子也小
名林兒太保劉福通等扶以爲主於時上受節制皇明本
記事錄

林兒徒擁虛名事皆決于福通高岱鴻猷錄

毛會田豐杜遵道等奉韓山童爲主公分兵攻掠其下有

劉太保者每陷一城以人爲糧食人既盡復陷一處故其
所過赤地千里草木子

樞密院掾史杜遵道棄去不仕適潁川遂爲紅軍舉首先

是伯顏爲丞相馬札兒台爲知院遵道爲書生上言請開

武舉以收天下智謀勇力之士馬札兒台遂補爲掾史既

而知其不能行其策遂棄去後爲賊中舉首庚申外史

馬鑑壽州人年十四爲盛文郁養子冒其姓文郁卒鑑代

領其眾居安豐自爲同僉我師救安豐鑑遂來降復馬姓

官至前軍都督府僉事洪武二十七年卒實錄

三月郭子興卒四月汝潁倡亂者杜遵道劉福通等迎韓山

童之子林兒爲帝居于亳遣人詣和陽招諸將欲爲己用諸

將推張天祐往天祐尋自毫歸蕭杜遵道檄推子興之子為都元帥天祐為右副元帥

上為左副元帥

上曰大丈夫寧能受制於人邪遂不受太祖實錄

汝頌倡亂者杜遵道劉福通立韓林兒為君都于亳時羣雄是其門弟子皆從之韓林兒造言宋苗裔也時王甫卒歸葬滁陽未久閭召論造言門弟子孰先後之創亂之功孰魁況孫德崖以滁陽部將意欲統滁陽之眾其子聞之懼辨不能以文召上代辨上總兵於和陽日與元戰諸戰將謂張天祐曰公當自察果能率眾禦胡則朱往不然則公往張遂代往上發兵及親率將和陽西南民寨

國初建隆事略卷一

十一

通鑑書

節次削平張自毫歸蕭亳州杜遵道文憑授滁陽王子為

都元帥張為右副上為左副皇明本紀

郭元帥卒眾奉其長子郭天敘為都元帥張天祐次之

上次之俞本皇明記事錄

上初欲不受曰大丈夫寧能受制于人邪後以諸將議欲藉為聲援從之紀年稱龍鳳然事皆不稟其節制高岱鴻猷錄

六月

大明皇帝起兵自和州渡江取太平路自紅巾妖寇倡亂之後南北郡縣多陷沒故

大明從而取之元史順帝本紀

置太平興國翼元帥府諸將奉

上為大元帥太祖實錄

六月我太祖起兵仍稱龍鳳年號陸深平胡錄

十一月郭元帥張天祐戰歿太祖獨任元帥府事俞本紀事錄

十一月答失八都魯攻夾河賊大破之元史

六月進次許州長葛與劉福通野戰為其所敗將士奔潰

九月至中牟圍結屯種賊復來劫營掠其輜重遂與其子字羅帖木兒相失劉哈刺不花進兵來援大破賊兵獲字

羅帖木兒歸之復駐汴梁東南青堠元史答失八都魯傳

劉福通劫敗長葛營趙明遠陷嵩汝以及雒陽庚申外史賊陷懷慶命河南行省右丞不花討之元史

國初建隆事略卷一

三

通鑑書

十二月答失八都魯大敗劉福通等於太康遂圍亳州為宋主遁於安豐元史

香軍陷安豐二月陷和州三月破廬州宣讓王棄城由浙

浮海還燕香軍遂乘勝渡江破太平建康寧國遂據江東

既而池州安慶尋皆敗歿庚申外史

是歲察罕帖木兒與賊戰於河南北屢有功元史

十五年賊勢滋蔓由汴以南陷鄧許嵩雄察罕帖木兒兵

日益盛轉戰而北遂成虎牢以遏其鋒賊乃北渡盟津焚

掠至覃懷河北震動察罕帖木兒進戰大敗之河北遂平元史察罕傳

龍鳳二年至正十六年丙申

三月庚寅

大明兵取集慶路 元史

三月答失八都魯父子親與劉福通對敵自己至西大戰

數合答失八都魯墜馬字羅帖木兒扶令上馬先還自持

弓矢連發以窮追者夜三更步回營中 元史答失八都魯傳

秋七月己卯朔諸將奉

上為吳國公以元御史臺為公府置江南行中書省上兼總

省事 太祖勳錄

時置江南行中書省我太祖總其事以李善長為參議

官郭景祥陶安為郎中各分房掌事至是諸將奉太祖

為吳國公得專征伐因置前後左右中翼元帥府 龍飛紀

是月毫都陞上為樞密院同叅以帥府都事李士元為

經歷尋陞上為江南等處行中書省平章以故元帥郭

天敘弟天祐為右丞經歷李士元改名善長為左右司郎

中以下諸將皆陞元帥 俞本皇明記事錄

八月李武崔德破商州奉元路判官王淵起兵復之 元史節要

九月庚辰汝潁賊李武崔德等破潼關參知政事述律杰戰

死 元史

潼關失守哭參政述律杰存道詩云十月三日天地昏將

軍拒戰死賴門火飛華嶽三關破血浸秦川萬馬奔望越

伍胥徒抉目戰箕先軫不歸元北風吹盡英雄淚倚劍悲

歌一憤魂 張嘉猷集

通賢贈張直言南歸詩云載憂山東盜兵禍久連結誰憐

鄭生辨竟墮韓侯諸注云參政述律存道事與鄭食其同

通賢金臺集

壬午豫王斌納失里同知樞密院事定住引兵復潼關河南

行省平章政事伯家奴以兵守之丙申潼關復陷伯家奴兵

潰豫王復以兵取之李武崔德敗走戊戌賊陷虢州及陝州

元史

是月察罕帖木兒復陝州及虢州復襲敗賊兵於平陸安邑

元史

賊西陷陝州斷穀函勢欲趨秦晉答失八都魯調察罕帖

木兒與李思齊往攻之察罕帖木兒即鼓行而西夜拔穀

陵立柵交口陝為城阻山帶河險且固賊轉南山粟給食

以堅守攻之猝不可拔察罕帖木兒乃焚馬矢營中如炊

煙狀以疑賊而夜提兵拔靈寶城守既備賊始覺不敢動

即渡河陷平陸掠安邑縣晉南鄙察罕帖木兒追襲之蹙

之以鐵騎賊回扼下陽津死者甚眾相持數月賊勢窮皆

遁 元史察罕傳

十月乙丑淮安城陷江東廉訪使褚不華死之 元史續編

汝潁盜發勢張甚不華行部至淮安極力為守禦計賊與

青軍攻圍日急總兵者按兵不救城中艸木螺蛤魚蛙燕

鳥及韃皮鞍轡革箱敗弓之筋皆盡而後老穉更相食城

陷稍據西門力鬪見執為賊所縛不華守淮安五年殆數

十百戰人比之張巡云元史褚不華傳

元鎮南王李羅普化鎮揚州招降青軍元帥張明鑑為濠
泗義兵元帥俾駐揚州丙申三月明鑑等以食盡謀作亂
逐鎮南王而據其城鎮南王出走至淮安為趙君用所殺
實錄

至正十六年三月長鎗軍帥大小張鑑叛據揚州鎮南王
退駐淮安時憲使褚不華拒寇趙負城胡陳寨首鼠兩端
司馬木真靈保說胡誘獲趙人畜千百計既饑軍民相食
數求救老張平章援不應十月城陷不華抗敵死王被執
逾月不屈妃某偕投水死靈保由海趣浙寄跡老氏王達詩序
元史諸書皆云寇陷淮安而不記為何寇觀實錄及王達

國初建寧路志卷一

十五

國初建寧路志卷一

詩則其為趙君用明矣君用自濠州圍解後以甲午夏陷
盱泗以丙申冬陷淮安以丁酉冬據淮稱王以己亥奔益
都殺毛貴復為續繼祖所殺則君用之失淮當即在戊亥
間耳俟更考之

十一月河南陷河南廉訪副使俺普遁元史

劉福通遣將分略河南山東河北大書旗聯云虎賁三千
直抵幽燕之地龍飛九五重開大宋之天遠邇傳聞元都
大震元史元龜政要

十二月答失八都魯遣使來獻捷元史續編

十一月攻取夾河劉福通寨十二月庚申次高柴店偃太
康三十里是夜二鼓賊五百騎來劫以有備亟遁火而追

之比曉督陣力戰自寅至巳四門皆陷壯士緣城入其郭
斬首數萬擒偽將軍張敏孫韓等九人殺偽丞相王羅二
人辛酉太康平遣李羅帖木兒獻捷元史答失八都魯傳

龍鳳三年至正十七年丁酉

二月壬子賊李武崔德犯七盤藍田命察罕帖木兒以軍會
答兒麻亦兒守陝州潼關哈刺不花由潼關抵陝西會豫王
武納失里及定住等同進討元史

戊辰知樞密院事脫脫復邳州調客省使撒兒答溫等攻黃
河南岸賊大破之元史

王申劉福通遣其黨毛貴陷膠州僉樞密院事脫脫死之元史
毛貴一賊橫行山東侵犯畿甸駕幸懷京賊勢猖獗無異

國初建寧路志卷一

七

國初建寧路志卷一

唐宋 陶宗儀輟耕錄

是月李武崔德陷商州察罕帖木兒與李思齊以兵自陝號
援陝西元史

詔以察罕帖木兒為陝西左丞思齊為四川右丞續通鑑

賊尋出襄樊陷商州攻武關遂直趨長安至灊上分道掠
同華諸州三輔震懼豫王及省院官屬皆洶懼計無所出
行臺治書侍御史王思誠移書求援察罕帖木兒即領兵
入潼關長驅而前與賊遇戰輒勝殺獲以億萬計賊餘黨
皆散潰走南山入興元元史察罕王思誠傳

三月詔答失八都魯至京師帝見之私謂侍臣曰此人死
期至矣罷還軍先是泰不花軍士失律劫掠汴民臺御史

彈之有旨卸其軍職爲白衣聽達失調至是復命爲湖廣省左丞相仍提前軍往征山東毛貴達失八都魯率本部兵渡河征曹州盛文郁于是二將皆渡河相次失守矣
庚申外史

三月毛貴陷萊州守臣山東宣慰副使釋嘉訥死之甲午毛貴陷益都路益王買奴遁自是山東郡邑皆陷
元史

同知海南北道宣慰使司事王英致仕家居年九十六益都陷謂其子弘曰吾世受國恩忍食異姓之粟乎水漿不入口者數日遂卒毛貴聞之使具棺衾以殮舉其屍不動焚香祝曰公子弘請公歸先坐祝畢屍即起
元史王英傳
毛貴由海道得海船長驅破益都
庚申外史

丁酉毛貴陷濱州四月丁卯陷莒州
元史

毛貴陷益般陽等路而濟南又告急董搏霄提兵援之賊眾自南山來攻濟南望之兩山皆赤搏霄按兵城中設伏欄上合戰大破之般陽賊復約泰安之黨踰南山來襲乃列兵城上默開東門放兵出賊後城上兵皆下令擊之賊敗走濟南始寧有疾其功者譜於總兵太尉紐的該令依前詔從卜蘭奚同征益都搏霄即出濟南城未幾命守河澗之長蘆十八年搏霄以兵北行曰我去濟南必不可保既而濟南果陷
元史董搏霄傳

五月乙亥命知樞密院事孛羅奚進兵討山東戊寅平章政事亦克溫帖木兒復武安州等三十餘城
元史

六月劉福通犯汴梁其軍分三道關先生破頭潘馮長舅沙劉二王士誠寇晉冀白不信大刀敖李喜喜趙關中毛貴據山東其勢大振
元史

其軍分三支關先生等入晉冀由朔方攻上都白不信等趨關中毛貴合田豐趨大都
庚申外史

賊犯汴梁守臣求援于泰不花至十往返猶按甲不進睢毫太康俱陷邊報日急顧左右大言曰無多言我自有神算也日縱兵出掠繼又渡師河北聲取曹濮遂駐于彰德衛輝而曹濮之賊奔竄晉冀大同相繼不守遂蔓延不可制朝廷兩遣重臣諭旨泰不花恬不爲意十八年三月詔以中書右丞相總兵山東五月削官爵安置蓋州尋被殺

元史泰不花傳

七月己丑鎮守黃河義兵萬戶田豐叛陷濟寧路分省右丞實理門遁義兵萬戶孟本周攻之田豐敗走本周還守濟寧
元史

義兵黃軍下萬戶田豐叛入紅軍遂破東昌東平大名等處
庚申外史

是月歸德府知府林茂萬戶時公權叛以城降於賊歸德府及曹州皆陷

八月癸丑劉福通兵陷大名路遂自曹濮陷衛輝路孛羅帖木兒與萬戶方脫脫擊之
元史

九月甲午澤州陷陵川縣尹張輔死之
元史

秦不華復大名路并所屬郡縣

命紐的該加太尉總山東諸軍守禦東昌時田豐據濟濮率眾來寇擊走之元史

閏九月乙丑潞州陷丙寅賊攻冀寧察罕帖木兒以兵擊走之元史

十月戊戌曹州賊入太行山

是月白不信大刀敖李喜喜陷興元遂入鳳翔察罕帖木兒李思齊屢擊破之其黨走入蜀元史

白不信攻秦隴陷之又攻破鞏昌以李喜喜守之不信遂入鳳翔高岱鴻猷錄

賊出自巴蜀陷秦隴據鞏昌遂窺鳳翔察罕帖木兒先分

國初集事略卷一

五

通鑑叢書

兵守鳳翔城而遣謀者誘賊圖鳳翔賊果來圍之數十重

察罕帖木兒自將鐵騎晝夜馳二百里往赴比去城里所

分軍張左右翼掩擊之城中亦鼓譟而出賊大潰自相蹂

踐斬首數萬級伏屍百餘里餘黨皆遁還關中悉定元史

察罕

答失八都魯與知樞密院事答里麻失里討曹州賊官軍潰

敗答里麻失里死之元史

九月取溝城東明長垣三縣十月詔遣知院答失八都魯

來援分兵雷澤濮州而答里麻失里為劉福通所殺達達

諸軍皆潰答失八都魯力不能支退駐石村朝廷疑其玩

寇使者促戰相踵賊覘知之詐為答失八都魯通知書遣

諸道路使者果得之以進答失八都魯一夕憂憤死明年

正月詔其子字羅帖木兒為河南行省平章政事總領其父軍馬元史答失八都魯傳

答失八都魯既死其部下察罕帖木兒兵勢甚盛先為刑部侍郎號長鎗侍郎庚申外史

十一月王寅賊侵壺關察罕帖木兒大破之元史

癸亥豫王斌納失里與陝西行省左丞相朵朵陝西行臺御史中丞伯嘉訥分道攻討關陝元史

是歲趙君用及彭大之子早住同據淮安趙偕稱永義王彭偕稱魯淮王元史

義兵千戶余寶殺其知樞密院事寶童以叛降於毛貴余寶

國初集事略卷一

三

通鑑叢書

遂據棣州元史

龍鳳四年至正十八年戊戌

正月丙寅田豐陷東平路

丁卯知樞密院事不蘭奚與毛貴戰於好石橋敗績走濟南元史

二月己巳朔毛貴陷清滄州遂據長蘆鎮元史

癸酉毛貴陷濟南路守將愛的戰死毛貴立寶興院選用故

官姬宗周等分守諸路又於萊州立三百六十屯田每屯相

去三十里造大車百輛以挽運糧儲官民田十止收二分冬

則陸運夏則水運元史

董博霄駐兵南皮縣之魏家莊毛貴兵猝至而營壘未完

因拔劔督兵以戰賊眾突至搏香前猝而問曰汝爲誰搏

香曰我董老爺也眾刺殺之無血惟見白氣衝天其弟昂

香亦死之元史董搏香傳

壬午田豐復陷濟寧路甲申輝州陷丙戌紐的該聞田豐遁

近東昌棄城走元史

紐的該以乏糧棄城退屯北鄉東昌遂陷

丁亥察罕帖木兒調兵復涇州平涼保鞏昌元史

戊子田豐陷東平路庚寅王士誠自益都犯懷慶路周全擊

敗之元史

三月庚子毛貴陷般陽路元史

癸卯王士誠陷晉寧路總管杜賽因不華死之

國初羣盜略略卷一

甲辰察罕帖木兒遣賽因赤等復晉寧路元史

賊由絳州垣曲縣襲晉寧城陷城中死者十二三晉寧人

喬彝整冠衣坐井上令妻子婢輩循次投井而已隨之元史

忠義傳

己酉劉福通遣兵犯衛輝李羅帖木兒擊走之進克濮州元史

庚戌毛貴圍薊州詔徵四方兵入衛乙卯毛貴陷薊州犯鄆

州至棗州樞密副使達國珍戰死遂略柳州同知樞密院事

劉哈刺不花以兵擊敗之貴退走據濟南元史

毛貴據山東由河間趨直沽漸逼京都中外大駭或勸乘

輿北巡以避之或勸遷都關陝中書左丞相太平以爲不

可起同知劉哈刺不花于彰德與戰于柳林大敗賊眾京

賊遂安元史太平劉哈刺不花傳

丙辰冀寧路陷丁巳田豐陷益都路辛酉大同諸縣陷察罕

帖木兒遣關保等往擊之是時賊分二道犯晉冀一出沁州

一侵絳州元史平朔錄關先生破頭番等

旨濮賊分道踰太行焚上黨掠晉冀陷雲中雁門代郡烽

火數千里復大掠且南還察罕帖木兒先伏兵南山阻隘

而自勒重兵屯閭喜絳陽賊果走南山縱伏兵橫擊之賊

皆棄輜重走山谷其得南還者無幾乃分兵屯澤州塞盤

于城屯上黨塞吾兒谷屯并州塞并陘口以杜太行諸道

賊屢至守將數血戰擊卻之河東悉定元史察罕傳

四月壬午田豐陷廣平路大略退保東昌元帥方脫脫以兵

國初羣盜略略卷一

復廣平

察罕帖木兒李思齊會宣慰張良弼郎中郭擇善宣慰同知

拜帖木兒平章政事定住總帥汪長生奴各以所部兵討李

喜喜於鞏昌李喜喜敗入蜀元史

五月戊戌朔察罕帖木兒遣董克昌等以兵復冀寧詔察罕

帖木兒還兵鎮冀寧庚子賊兵踰太行察罕帖木兒部將關

保擊敗之元史

劉福通攻汴梁王寅汴梁守將竹貞棄城遁福通等遂入城

乃自安豐迎其僞主居之以爲都元史

安豐賊劉福通等陷汴梁造宮闕易正朔號召羣盜巴蜀

荆楚江淮齊魯遼海西至甘肅所在兵起勢相聯絡元史